



QUÆSTIO MEDICA,
QUODLIBETARIIS DISPUTATIONIBUS
MANE DISCUTIENDA
IN SCHOLIS MEDICORUM,

Die Jovis sextâ Februarii 1710.

M. PHILIPPO BERNARDO DE BORDEGARAYE,
DOCTORE MEDICO,

PRÆSIDE.

An Prægnanti Saphenice sectio à prudenti Medico imperata?

I.



I in Prægnantium morbis adeò hæsitantes obmutuere olim Medici, nè opus generationis inturbarent, non sine magno sætûs & sætantis dispendio: Melioribus hisce temporibus Ars nostra omni laude celebranda, quæ usu & experientiâ, quasi manu auxiliatrici, tam grave pondus ad sælicem perducit faustamque metam. Quid mirum? Structura scû fabrica uteri probè dignoscitur:

Mechanice illius partis luculentèr innotescit: Canalium, scû vasorum sanguiferorum diametri geometricè asseruntur: Pondus liquorum observatur: Sanguis ipse, quò fluit & refluit, digito monstratur; & in quo tandèm posita sit illius essentia, minimè revocatur in dubium. Sic itaque Principis Philosophorum sphinx hodiè develatur: Nec de utero,

quicquam aliud exclamamus, quàm de cæteris organicis partibus, quibus instructa est compages Mulieris universa. Nec praxis refragari videtur eorum lubricationibus. Audaces nec incerti, morbis Prægnantium venæ sectione potissimum, alterantibus, purgantibus, emeticis aliquando succurrunt, & medentur. Ista, praxis experiëntiâ fultra; ista, usus; ista deniquè, uteri Autopsia indicarunt, confirmarunt. Sed obstupete, & miremini; quanquàm ad solatium scetantium nonnulla excogitare eximia præsidia, adsunt tutiora; quæ parti afflictæ promptiora afferunt emolumenta, mechanices legibus non obsona; quæ quotidianus obfirmavit usus, si in morbis Mulierum utero gerentium Saphena cautè secetur, quæ morbi fomitem ità aggreditur; ità subleuat ægram; ut scetum, à sanguine in vasis agrè currente oppressum, tantoque sub onere fatifcentem, liberè, tutius, sinat elabi spatium detentionis, & jucundius.

I I.

PRÆGNANTIS dura conditio! duræ, quas Hymeneus præscripsit, leges! Proles avida Mulier, matris insignia persequitur: Veneros ruit in amplexus, nec votis deficit uterus: Ferax ille campus conceptionis futuræ primordia pollicetur; virilis feminis aura, necquicquam ignara sortis, intus perlustrando, hunc dulci afficit tepore: Fibris inebriantibus contrahitur uterus, tubæ eriguntur, & secundum earum simbras, ad ovaria haud ingratum sternitur iter semini: Sed, quæ diceres ad voluptatem solum apta nata esse; immeritas quandoquè luunt pœnas. Ovarii succussus, uteri dilatatio, subsequens coarctatio; partiumque generationi famulantium, si melius dixerim, convulsio; quam derepentè symptomata inferant? Mulieris nausea, vomitus, horror, Cardialgia, &c. lutulentè demonstrabunt; sælici cuncta hæc contingunt successu; patientis sæpius detrimento. Nec minus parit incommodi, cum jam in molem assurrexerit uterus: Spermatica & hypogastrica vasa, hinc atque hinc sanguinem præcipiti cursu vehentia pro scetus alimento, majorem scetanti noxam inferunt: Quorum diameter sanguineæ sustentandæ moli impar, systolem efficit segniorem: Quæ stagnatio? alterâ parte scetus ampliora in dies exposulans incunabula; quot obices? misera Matrix, tanto sub pondere fatiscit, exitium brevi portentura, nisi derivatione prudens rerum Æstimator aliquomodo sublevet pondus onerosum.

I I I.

SINT revulsioneis amatores, timidi naturæ in opere gementis ministri, qui circuitus sanguinis legibus nimium addicti, quo extrahant vase, omnem indicationis paginam secum reputant adimplevisse. O malè feriat homines! Non in vasis majoribus quarenda est obstructio: est aliundè remora; in intricato scilicet vasorum capillarium uteri dedaleo, quæ, motu sanguinis progressivo nimis urgente, ità plethorâ distenduntur, ut tonum partium restituere penès non sit iteratam revulsionem: ut palàm sit, venâ sectâ superiore, augeri motum circuitus;

sic nec causam obstructionis minui; cum ex ampliori vase, in capillaria uteri à longo infarcta præcipiti cursu deferatur sanguis. Tanta-nè ambages, tantis solvuntur ambagibus? Non idem dijudicandum de derivatione: Decubitus liquidi, venæ mandantes, uteri situs, conspirant simul ad partis afflictæ medelam. Saphenâ sectâ, paulatim capillares evacuantur sub onere anhelantes, & viâ procliviori; quod nocivum excutiant, & in prisco sensim sine sensu restituuntur tono. Consule Hy-pocratem, fidem merebitur: In morbis subter diaphragma Saphenam seca. Video, times abortum; horreo quoque. Si ex apertione inconvenienti Sa-phenæ quædam Mulier aborta est; quid inde? Quas occidit venæ sectio ex brachio intempestiva, numera. Non liceat omnibus adire Corinthum; & nonnisi prudens Medicus, cum armis istis militet securus. Flexibili-bus tubulis fluxilior erit sanguis; & subito fœtum, liberiori aurâ vesci, & domicilio frui ampliori experta Mater; tædiosam partûs attinget ho-ram alacrius.

I V.

NON defectu sanguinis palam est abortire feminas: sed exundan-te purpureo latice, commercium intèr fœtum & matrem, disruptis vasis quibus annectitur, seu conjungitur placenta cum utero, tolli om-nino, nec ignorant Medici omnes. Qui singulis mensibus, tanquam su-perfluis in non gravidis è mafsâ exonerabatur sanguis: tempore gestatio-nis, usui nobiliori cedere, & in alimoniam fœtûs verti & incrementum, nemo inficias ibit. Sed heu, prohi dolor! quàm inconsultò Mulieres no-strates, victu lauto, vitâ sedentariâ, & mille nocuis blanditiis, quod providæ satis esset naturæ, augendo contaminant, & fœtum quasi in ulnis enecant quotidie? Quàm derepentè corporis succi, tantâ inglu-vie coinquinati, concresecunt, putrescuntque, pravam in partibus afflan-tes auram? Hinc minima vascula ita distenduntur, fibræ crispantur, ut motui progressivo nec sufficiant, nec inservire possint ejus ventila-tioni; nec stupete quàm dira emergunt symptomata? febres continuæ, deliria, insultus astmatici, vomitus enormes. Putes, infontem esse ute-rum; erras, & graviter quidè. Uteri tanta moles tempore graviditatis; tot & tanta omnis generis vasa, eaque tenuissima perreptant substan-tiam; ut, qui negat hinc non esse fomitem omnium malorum, quæ gravidæ molestant Mulieres, gratis neget. Hinc uteri moles, hinc om-nia vasa turgida nimis, illinc sanguis lentescens; hæc omnia de fœtûs & matris exitio pronuntiant; nisi ad auxilium vocatus, non in revulso-nibus repetitis hæreas anceps, quid prosis; sed aperiri Saphenam jubeas; expectus, hæc solâ viâ, tibi, & matri, & fœtui res esse fœlici cessuras omine.

V.

JAM usus & experientia hodiè simul praxim hanc non dedignare, quam Autopsia partium generationis à longo demonstravit & obfir-mavit; sed, quæ timidis nimium Medicis, necnon famæ consulenti-bus, ut opinantur, haud arrisit hinc usquè: attamen fateantur nullo

alio eximio præsidio Virgines menstruorum defectu laborantes curatas fuisse, licet centies iterata fuerit venæ sectio superior; cum morbi fomitem in illis aggrediatur derivatio, unde salus. Idem tentare nē recuses in prægnante; cum eadem partes obstruantur, eademque sit obstructionis causa. Ut, à menstruis Saphenæ sectā revocatis, non sequitur sanguinis profluvium, imò quid præstat in illis derivatio, attendas: Capillarium vasorum ora in utero & vaginā hiantia, per quæ sanguis menstruus elabitur singulis mensibus, quasi oclusa crispatione quâdam fibrillarum, quibus contextuntur membranæ eorum, ob distentionem à plethorâ factam; relaxari, nec amplius frustra hiare, sed depocere pondus quo premebantur, & amicâ sanguinis crassi restitutâ, Virgines vultu sereno & suavis esse coloris experieris tandem incredulus: Sic ita se res habere in prægnante; tali auxilio scilicet, capillaria quasi anastomosi non in utero, sed in placenta dehiscencia, eandem servare mechanicam, idemque fœtui ministrari auxilium, non timeo asserere, nec sequi abortionem. Sed quid opus hîc Physicâ? ista malè sonant apud plebeios: Medicinam ridet illi; cum femellæ impudicæ experiuntur quotidie, seu potius conqueruntur infidam esse sectionem Saphenæ vel iteratam, nec votis respondere: Quid tentastis, scelera? perdere nefandi vestri pignus amoris, & excutere è domicilio ante tempus? nec profuit meritò; & libidini vestræ hæc debebatur injuria nominis, ut in lucem prodiret insons. Sic usu, sic experientiâ quotidianâ; sic tandem expofitis rationibus.

Ergo Prægnanti Saphenæ sectio à prudenti Medico imperata.

DOMINI DOCTORES DISPUTATURI.

M. Alexander le François.	M. Salvator Cluscar ^J .	M. Renatus le Conte.
M. Michaël Procope Couteaux.	M. Claudius Bourdelin, Serv-	M. Franciscus Afforty, Fac-
	nissima Burgundia Ducissa	culatus Decanus.
	Medicus primarius, & Re-	
	gia Scientiarum Academia	
	Socius.	
M. Joannes-Claudius-Adria-	M. Alexius Littre, Regia	M. Germanus Preaux, Pro-
nus Helvetius.	Scientiarum Academia So-	fessor Regius.
	cius.	

Proponebat Parisiis THOMAS - BERNARDUS
BERTRAND, Parisinus, Baccalaureus Medicus.
A. R. S. H. 1710.

Typis Viduæ Francisci Muguet, Regis & Facult. Medicinæ Typographi.